

ԴԻՐՔՈՐՈՇՈՒՄ

ԻՐԱԿԼԻ ՂԱՐԻԲԱՇՎԻԼԻ. «ՄԵՉ ՈՉԻՆՉ ԶԻ ՄՊԱՌՆՈՒՄ, ՎՐԱՍՏԱՆԻ ԲՆԱԿՉՈՒԹՅՈՒՆԸ ԿԱՐՈՂ Է ՀԱՆԳԻՍՏ ԼԻՆԵԼ»

Մարտի 8-ին, Վրաստանի վարչապետ Իրակլի Դարիբաշվիլու նախագահությամբ, անցկացվեց երկրի կառավարության հերթական նիստը:

Նիստի մեկնարկին, իր ներածական խոսքում, վարչապետը անդրադարձնալով Ուկրաինայում ծավալվող իրադարձություններին, նշեց, որ Վրաստանի բնակչությունը կարող է հանգիստ լինել, քանի որ մեր երկրին ոչինչ չի սպառնում, եւ պետք է շարունակվի տնտեսական առաջընթացը:

Վարչապետը, երկրի կառավարության ու բնակչության անունից, Ուկրաինային կրկին աջակցության պատրաստակամություն հայտնեց՝ ընդգծելով, որ, չնայած վերջին ժամանակներում ծավալված մարտահրավերներին ու սադրանքներին, կառավարող թի-



(Շարունակությունը՝ 2-րդ էջում)

ԵՎՐԱՍԻՆՏԵԳՐՈՒՄ

ՆԵՐԿԱՅԱՑՎԵՑ ՎՐԱՍՏԱՆԻ՝ ԵՎՐԱՄԻՈՒԹՅԱՆՆ ԱՆԴԱՄԱԿՑՈՒԹՅԱՆ ՀԱՅՏԸ



Վրաստանի խորհրդարանը մարտի 14-ին սկսում է Եվրամիությանը Վրաստանի ինտեգրման վերաբերյալ 13 կետից բաղկացած բանաձևի նախագծի քննարկումը:

կանը, սակայն, արդեն ս.թ. մարտի 3-ին, վարչապետ Իրակլի Դարիբաշվիլին ստորագրեց անդամակցության դիմումը:

Վրաստանի վարչապետը ողջունեց Վրաստանի հայտը ուսումնասիրելու վերաբերյալ Եվրամիությանը ներկայացված դիմումը:

- Մենք ողջունում ենք Եվրամիության անդամ երկրների դեսպանների խորհրդի որոշումը՝ խնդրելով Եվրամիությանը Եվրաստանի, Մոլդովայի եւ Ուկրաինայի կողմից ներկայացված, ԵՄ-ին անդամակցելու հայտերը: Մեր հարաբերություններում այս նոր փուլը պարտավորեցում է մեզ՝

ամրապնդել մեր բարեփոխումների օրակարգը: Մենք երախտապարտ ենք այս կարեւոր որոշման համար,- ասաց Իրակլի Դարիբաշվիլին:

Նշենք, որ երկրի խորհրդարանը սկսեց Եվրամիությանը Վրաստանի արագացված անդամակցության վերաբերյալ «Վրացական երազանք»-ի պատրաստած բանաձևի նախագծի քննարկումը:

Ընդդիմությունը մտադիր է աջակցել փաստաթղթին, սակայն բանաձևի նախագծի բովանդակության վերաբերյալ դիտողություններ ունի, որը մտադիր է ներկայացնել:

ՏԱՐԱԴՐԱՄ

ԼԱՐԻԻ ԿՈՒՐՍԻ ԱՆԿՄԱՆ ՏՆՏԵՍԱԿԱՆ ՆԱԽԱԴՐՅԱԼՆԵՐ ԳՈՅՈՒԹՅՈՒՆ ՉՈՒՆԵՆ ՏԱՐԱԴՐԱՄԻ ԿՈՒՐՍԻ ԱՆԿՈՒՄԸ ԿԱՆԳՆԵՅՎԵՅ, ԴՈՒՐԻՆ ՀԱՄԱՐԺԵՔ ԱՅՆ ԿՏԱՏԱՆՎԻ 3,10-3,15-Ի ՇՐՋԱՆԱԿՆԵՐՈՒՄ

Վերջին ամիսներին ազգային տարադրամի՝ լարիի կուրսի ամրապնդման դիմամիկան լավատեսական հույսեր էր ներշնչում, թեպետ Ուկրաինայում պատերազմական գործողությունների մեկնարկը բացասաբար անդրադարձավ համաշխարհային ֆինանսական համակարգի վրա, որը, բնականաբար, իր ազդեցությունը գործեց նաեւ վրացական, ռուսական, հայկական տարադրամների կուրսի վրա: Մասնավորապես, լարին սկսեց կտրուկ անկում ապրել: Ծագեց ակնհայտ սպառնալիք, որ լարիի կուրսը կարող է սահմանել նոր հակառեկորդ: Թեպետ վերջին օրերի իրադարձությունները ցույց տվեցին, որ լարին կարողացավ հաղթահարել հերթական ճգնաժամը եւ աստիճանաբար սկսեց կարգավորվել:

Դրան մեծապես նպաստեց Վրաստանի ազգային բանկի ակտիվ միջամտությունը, որը, լարիի կուրսի կայունացման նպատակով, իրականացրեց 50 միլիոնամոց ինտերվենցիա, թեպետ կոմերցիոն բանկերը կարողացան այդ գումարից իրացնել

39.6 միլիոնը: Ակնհայտ դարձավ, որ ֆինանսական շուկայում «տարադրամային սովը» ավարտվեց: Ինչպես հայտարարեց Վրաստանի փոխվարչապետ, էկոնոմիկայի նախարար Լեւան Դավիթաշ- (Շարունակությունը՝ 4-րդ էջում)

ՀԱՅԱՍՏԱՆ

ՄԱՐՏԻ 13-ԻՆ ԿԿԱՅՆԱ ՀԱՅԱՍՏԱՆԻ ՆՈՐԸՆՏԻՐ ՆԱԽԱԳԱՀ ՎԱՀԱԳՆ ԽԱՉԱՏՈՒՐՅԱՆԻ ԵՐԴՄԱԿԱՄԱՆ ԱՐԱՐՈՂՈՒԹՅՈՒՆԸ

Հայաստանի Ազգային ժողովի (ԱԺ) կողմից Հայաստանի նախագահի ընտրված Վահագն Խաչատուրյանի երդմնակալության համար Ազգային ժողովի հատուկ նիստը կանցկացվի վաղը՝ մարտի 13-ին, Երեւանի Կարեն Դեմիրճյանի անվան մարզահամերգային համալիրում:



Հիշեցնենք, որ Հայաստանի նախագահի պաշտոնում Վահագն Խաչատուրյանի թեկնածությունն առաջադրել էր «Քաղաքացիական պայմանագիր» խմբակցությունը: Խորհրդարանը Վահագն Խաչատուրյանին, փակ գաղտնի քվեարկությամբ, ընտրել էր մարտի 3-ին: Հանրապետության նախագահը պաշտոնը ստանձնում է Աժ հատուկ նիստում, որն արտասահերթ ընտրության դեպքում գումարվում է Հանրապետության նախագահի ընտրվելուց հետո 10-րդ օրը:

Հայաստանի նախագահի պաշտոնի ստանձնման արարողու-

թյանը մասնակցության հրավեր է առաքվել աշխարհի տարբեր երկրների դեսպարներին, պաշտոնատար անձանց:

63-ամյա Վահագն Խաչատուրյանը ավարտել է Երեւանի ժողտնտեսության ինստիտուտը, զբաղվել է մանկավարժությամբ, եղել է Երեւանի քաղաքապետ, ընտրվել է Ազգային ժողովի պատգամավոր: Մինչև նախագահ դառնալը, զբաղեցնում էր Հայաստանի բարձր տեխնոլոգիական արդյունաբերության նախարարի պաշտոնը:

ՆԻԿՈԼ ՓԱՇԻՆՅԱՆ. «ՖՐԱՆՍԻԱՆ ՆՈՐՈՎԻ ԽԹԱՆՈՒՄ Է ՄԻԶՊԵՏԱԿԱՆ ՀԱՄԱԳՈՐԾԱԿՈՒԹՅՈՒՆԸ»

Մարտի 9-ին, Հայաստանի վարչապետ Նիկոլ Փաշինյանը, աշխատանքային այցով, գտնվում էր Ֆրանսիայում:

Այցի շրջանակներում՝ Հայաստանի վարչապետը Փարիզի Ելիսեյան պալատում հանդիպում ունեցավ Ֆրանսիայի նախագահ Էմանուել Մակրոնի հետ: Առանձնագրույցի ընթացքում՝ զրուցակիցները կարենորեցին Փարիզում «Հավակնություններ՝ Հայաստան-Ֆրանսիա» համաժողովի անցկացումը եւ համոզմունք հայտնեցին, որ այն նոր ազդակ կհաղորդի տնտեսության, ենթակառուցվածքների, զբոսաշրջության, առողջապահության, կրթության, գիտության եւ մշակույ-



թի ոլորտներում երկկողմ համագործակցության զարգացմանն ու ընդլայնմանը:

(Շարունակությունը՝ 7-րդ էջում)

ՈԱԶՄԱԿԱՆ ՀԱՎԱՄԱՐՏՈՒԹՅՈՒՆ

ՈՌԻՍԱՍՏԱՆԻ ՍԱՆՁԱԶԵՐԾԱԾ ՊԱՏԵՐԱԶՄԸ ՈՒԿՐԱԻՆԱՅՈՒՄ ՎՐԱՍՏԱՆԸ ՈՒԿՐԱԻՆԱՅԻ ՇԵՏ Է

Ինչպես արդեն հաղորդել ենք, փետրվարի 24-ի լուսաբացին, ռուսական զինված ուժերը Ուկրաինայի տարածքում սկսեցին պատերազմական գործողություններ: Ռուսական զորքերը շարունակում են առաջխաղացումը Ուկրաինայի տարածքով, շրջափակել են Խարկով, Մարեուպոլ, Նիկոլաև և մյուս քաղաքները, մոտենում են Օդեսային: Կիսաշրջափակման մեջ է գտնվում Ուկրաինայի մայրաքաղաք Կիևը:

ԴԱՎԻԹ ԶԱԿԱԼԻԱՆԻ. «ՎՐԱՍՏԱՆԸ ԿՇԱՐՈՒՆԱԿԻ ԱԶԱԿՏԵԼ ՈՒԿՐԱԻՆԱՅԻՆ»
Վրաստանի արտաքին գործերի նախարար Դավիթ Զակալիա-նին հայտարարեց, որ Վրաստանը միջազգային բոլոր հարթակներում շարունակում է աջակցել Ուկ- (Շարունակությունը՝ 4-րդ էջում)

ԴԻՐՔՈՐՈՇՈՒՄ

ԻՐԱԿԼԻ ՂԱՐԻԲԱՇՎԻԼԻ. «ՄԵՉ ՈՉԻՆՉ ԶԻ ՍՊԱՌՆՈՒՄ, ՎՐԱՍՏԱՆԻ ԲՆԱԿՉՈՒԹՅՈՒՆԸ ԿԱՐՈՂ Է ՀԱՆԳԻՍՏ ԼԻՆԵՆ»

(Սկզբը՝ 1-ին էջում)

մը երկրում կպահպանի խաղաղությունը:
- Բնակչությունը կարող է հանգիստ լինել, մեզ ոչինչ չի սպառնում: Հանգիստ պետք է շարունակել երկրի շինարարությունը,- ասաց վարչապետը՝ հավելելով, որ, տարածաշրջանում առկա լուրջ մարտահրավերների պայմաններում անգամ, պետք է պահպանել տնտեսական առաջընթաց:
- Ընթացիկ տարին սկսեցինք բավա-

կան ակտիվ: Հունվարին ունեցանք 18 տոկոսի տնտեսական աճ, ինչն անմախաճ է ոչ միայն մեր տարածաշրջանի, այլև եվրոպայի համար: Արտահանումը ավելացել է 47 տոկոսով: Առաջընթաց է գրանցվել նաև զբոսաշրջության եւ մյուս ոլորտներում: Հատկանշական է, որ առաջընթացի տեմպերը չեն թուլանում, ընդհակառակը, հնարավորինս պետք է այն պահպանել եւ է՛լ ավելի ակտիվացնել»,- ասաց վարչապետը:
Վարչապետի խոսքով՝ պետք է ակ-

տիվորեն իրականացնել կառավարության կողմից բարձրաձայնած բոլոր ծրագրերը՝ հանրային զբաղվածության, տնտեսական ակտիվությունը խրախուսող եւ այլ ծրագրեր:
- Տարածաշրջանում լուրջ մարտահրավերներ են, սակայն մենք պետք է շարունակենք տնտեսական առաջընթացը, առավել խրախուսենք գործարարներին,- ընդգծեց վարչապետը:
Կրկին անդրադառնալով Ուկրաինայում ծավալվող իրադարձություններին՝

Իրակլի Ղարիբաշվիլին նշեց, որ Վրաստանը միջազգային բոլոր ասպարեզներում պաշտպանում է Ուկրաինային: Այսօրվա դրությամբ՝ Վրաստանից Ուկրաինա է առաքվել 140 տոննա մարդասիրական բեռ, շարունակվում է Ուկրաինայից Վրաստանի քաղաքացիների տարահանումը: Վարչապետը հույս հայտնեց, որ միջազգային հանրությունը հնարավոր ամեն ինչ կանի՝ Ուկրաինայում ծավալված պատերազմական գործողությունների շուտափույթ դադարեցման համար:

ԻՇԽԱՆՈՒԹՅՈՒՆ - ԲԻՋՆԵՄ

ԿԱՅԱՑԱՎ ԵՐԿՐԻ ՎԱՐՉԱՊԵՏԻ ԵՎ ԳՈՐԾԱՐԱՐ ԱՍՈՑԻԱՑԻԱՅԻ ՈՒ ԲԱՆԿԵՐԻ ՂԵԿԱՎԱՐՆԵՐԻ ՀԱՆԴԻՊՈՒՄԸ

Մարտի 8-ին, Վրաստանի վարչապետ Իրակլի Ղարիբաշվիլին, կառավարության տնտեսական թիմի անդամների եւ Ազգային բանկի նախագահի հետ, հանդիպում ունեցավ Վրաստանում գործող բանկերի ղեկավարների, Բիզնես ասոցիացիայի եւ Բանկային ասոցիացիայի նախագահների հետ:

Հանդիպմանը Ազգային բանկի նախագահ Կոբա Գվենետաձեն ներկայացրեց տնտեսական իրավիճակի եւ լարիի փոխարժեքի վերաբերյալ Ազգային բանկի կանխատեսումների մասին:
Իրակլի Ղարիբաշվիլին ընդգծեց երկրում առկա դրական տնտեսական միտումները եւ նշեց, որ հունվարին գրանցվել է 18 տոկոս տնտեսական աճ, որն անմախաճ է ցուցանիշ է տարածաշրջանում: Միաժամանակ, արտահանումը զգալիորեն աճել է, եւ դրական դինամիկա կա զբոսաշրջության վերականգնման ուղղությամբ: Վարչապետի խոսքով՝ կարելի է այս տեմպերը չդանդաղեցնել, է՛լ ավելի մեծացնել,

եւ բիզնեսն առանձնահատուկ դեր ունի այս գործընթացում:
Վարչապետը, Վրաստանի կառավարության անունից, վերահաստատեց իր մեծ աջակցությունը բիզնեսին եւ կոչ արեց՝ ակտիվորեն ներգրավվել պետական նախագծերի ու ծրագրերի իրականացմանը, որոնք ուղղված են երկրում տնտեսական աճին եւ նոր աշխատատեղերի ստեղծմանը:
Հանդիպմանը մասնակցեցին Վրաստանի փոխվարչապետ, էկոնոմիկայի եւ կայուն զարգացման նախարար Լեւ-



ան Դավիթաշվիլին, ֆինանսների նախարար Լաշա Խուցիշվիլին, կառավարության աշխատակազմի ղեկավար Իլիա Դարչիաշվիլին, Վրաստանի Բիզնես ասոցիացիայի նախագահ Սոսո Փխակաձեն, Բանկերի ասոցիացիայի նախագահ Ալեքսանդր Չելաձեն, Վրաստանի բանկի, TBC բանկի եւ Լիբերթի բանկի ղեկավարներ:

ԹԲԻԼԻՍԻ ՔԱՂԱՔԱՊԵՏԱՐԱՆԻ ԱԶԱԿՑՈՒԹՅՈՒՆԸ՝ ԵՐԻՏԱՍԱՐԴ ՁԵՌՆԱՐԿԱՏԵՐԵՐԻ ՆԱԽԱԳԾԵՐԻՆ



Նրա խոսքով՝ ծրագրի շրջանակներում կֆինանսավորվեն այն նախագծերը, որոնք ունեն սոցիալական առաքելություն, ինչպես նաեւ այն արտադրանքների եւ ծառայությունների ստեղծումը, որոնք իրականացման գործընթացում աշխատանքի կտեղավորվի երիտասարդությունը, եւ որոնք հիմնական սպառողները կլինեն իրենք:
- Կֆինանսավորվեն այն նախագծերը, որոնք ունեն սոցիալական առաքելություն՝ ստեղծելու եւ զարգացնելու փոքր ձեռնարկություններ, լաբբեր, ստեղծագործական

Ինչպես հայտարարեց Թբիլիսիի քաղաքապետ Կախա Կալաձեն, մայրաքաղաքի քաղաքապետարանը կսկսի երիտասարդ ձեռնարկատերերի սոցիալական նախագծերի ֆինանսավորման ծրագիրը:

ստուդիաներ, արհեստանոցներ, հոսթելներ, սրճարան-բարեր, ուսումնական եւ ժամանցային կենտրոններ,- հայտարարեց Կալաձեն:
Քաղաքապետի խոսքով՝ մեկ նախագծի ֆինանսավորման առավելագույն սահմանաքանակը կկազմի 30 հազար լարի (շուրջ՝ 9,6 հազար դոլար):
- Նախագծի շրջանակներում՝ հնարավոր է սարքավորումների, տեխնիկայի, տարբեր նյութատեխնիկական միջոցների ու նյութերի, ինչպես նաեւ տարբեր ծառայությունների ու օպերացիոն ծախսերի ֆինանսավորումը, որոնք անհրաժեշտ են նախագծի իրագործման համար,- ասաց Կալաձեն: Նրա խոսքով՝ նախագծային հայտի ձեւը պաշտոնական կայքում կգետեղվի մարտի 10-ից: Հայտերը կընդունվեն մինչեւ մարտի 30-ը, ներառյալ ինչպես քաղաքապետարանում, այնպես էլ կայքում՝ էլեկտրոնային տեսքով:

ՈԱԶՄԱԿԱՆ ՀԱՎԱՍՏԱՐՏՈՒԹՅՈՒՆ

ՌՈՒՄԱՍՏԱՆԻ ՍԱՆՁԱԶԵՐԾԱԾ ՊԱՏԵՐԱԶՄԸ ՈՒԿՐԱԻՆԱՅՈՒՄ ՎՐԱՍՏԱՆԸ ՈՒԿՐԱԻՆԱՅԻ ՀԵՏ Է

րաինային եւ խստորեն դատապարտում է Ռուսաստանի գործողությունները:

ՎԱՂԻՄԻՐ ԶԵԼԵՆՍԿԻ. «ԱՐԵՎՍՈՒՏՔԻ ԿՈՂՄԻՑ ԱՐՉԱՊԱՆՔ ԶԿԱ»

Ուկրաինայի նախագահ Վլադիմիր Զելենսկին հայտարարեց, որ Արեւմուտքը համապատասխանաբար չի արձագանքում Ռուսաստանի գործողություններին: Նրա խոսքով, ոչ մի համաշխարհային առաջնորդ կամ արեւմտյան քաղաքական գործիչ չի արձագանքել Ուկրաինայի ռազմարդյունաբերական համալիրը ռմբակոծելու Ռուսաստանի սպառնալիքին:

- Դրանց մեծ մասը կառուցվել է քաղաքներում դեռ խորհրդային իշխանության տարիներին: Այնտեղ հազարավոր մարդիկ են աշխատում, հարյուր հազարներն են ապրում: Սա սպանություն է, դիտավորյալ

սպանություն,- ասաց Վլադիմիր Զելենսկին:

ԲԱՆԱԿՑՈՒԹՅՈՒՆՆԵՐԸ ԱՐԴՅՈՒՆՔԻ ԶԱՆԱԳԵՑՐԻՆ

Ռուս-ուկրաինական ռազմական դիմակայության կարգավորման նպատակով՝ Բելառուսում կայացած երեք հանդիպումները էական ոչինչ չորոշեցին: Ապարդյուն անցավ նաեւ Թուրքիայում Ուկրաինայի ԱԳ նախարար Դմիտրի Կուլեբայի եւ Ռուսաստանի ԱԳ նախարար Սերգեյ Լավրովի հանդիպումը:

Ուկրաինական կողմի հավաստմամբ՝ Ռուսաստանը ներկայացնում է անընդունելի վերջնագրեր, իսկ ռուսական կողմի հավաստմամբ՝ առկա էր իրավիճակ, որն ուղղակիորեն վտանգ էր ներկայացնում Ռուսաստանի Դաշնության համար, այդ պատճառով Ռուսաստանը դիմեց վճռական քայլերի:

ՄԱԿ-Ի ԳԼԽԱՎՈՐ ՎԵՅՈՒՄՈՒՄԸ ԸՆԴՈՒՆԵՑ ԲԱՆԱԶԵՎ ՌՈՒՄԱՍՏԱՆԻ ԴԵՄ

ՄԱԿ-ի գլխավոր վեհաժողովն ընդունեց բանաձեւ, որը Ռուսաստանից պահանջում է գործերի շուտափույթ դուրսբերում Ուկրաինայի տարածքից: Բանաձեւի օգտին քվեարկել է 41 երկիր, այդ թվում՝ ԱՄՆ-ը, Եվրամիության երկրները, Վրաստանը, Մոլդովան, բնականաբար՝ նաեւ Ուկրաինան:

Բանաձեւի դեմ քվեարկել է ՄԱԿ-ի անդամ 5 երկիր՝ Ռուսաստանը, Բելառուսը, Սիրիան, Հյուսիսային Կորեան եւ Երիտրիան: Քվեարկությանը ձեռնպահ է մնացել 35 երկիր, այդ երկրների թվում են Հիմաստանը, Հնդկաստանը, Հայաստանը, Ղազախստանը, Տաջիկստանը, Իրանը եւ Կուբան: Ադրբեջանը, Ուզբեկստանը եւ Թուրքմենստանը քվեարկությանը չեն մասնակցել:

«Վրաստանը»՝ ըստ միջազգային լրատվական գործակալությունների նյութերի

Շաբաթից շաբաթ. Փաստեր եւ իրադարձություններ

ՀԱՂՈՐԴՈՒՄ ԵՆ «ՎՐԱՍՏԱՆԻ» ԵՎ ԼՐԱՏՎԱԿԱՆ ԳՈՐԾԱԿԱԼՈՒԹՅՈՒՆՆԵՐԻ ԹՂԹԱԿԻՑՆԵՐԸ

ՕՐԻՆԱԳԻԾ

ԱԶԳԱՅԻՆ ԽՏՐԱԿԱՆՈՒԹՅԱՆ ՀԱՄԱՐ ՊԱՏԺԱՄԻՋՈՑՆԵՐԸ ԽԱՏԱՑՎՈՒՄ ԵՆ



Կառավարող թիմի ղեկավարը, երկրի ամենամեծ ընդդիմադիր «Միասնական ազգային շարժում» կուսակցությանը մեղադրեց Ուկրաինայում ծավալված պատերազմական գործողությունների կապակցությամբ Վրաստան տեղափոխված ռուսների դեմ սկսած քարոզարշավում:

Ինչպես նշեց Կոբախիձեն՝ մշակվող օրինագծով կխստացվեն՝ ազգամիջյան խտրականության եւ ազգամիջյան անհանդուրժողականության դեմ ուղղված


«Վրացական երազանք-ժողովրդավարական Վրաստան» կուսակցության նախագահ Իրակլի Կոբախիձեն հայտարարել է, որ երկրի խորհրդարանում սկսել են մշակել օրինագիծ՝ ազգային խտրականության եւ ազգամիջյան անհանդուրժողականության դեմ պայքարի խստացման վերաբերյալ:

բոլոր պատժամիջոցները:

Նշենք, որ, ներկա դրությամբ, Վրաստանի սահմանադրության մեջ ազգային խտրականություն հասկացությունը ներառված չէ, թեեւ երկրի քրեական օրենսգրքում քրեական պատասխանատվություն է սահմանված լեզվի, սեռի, տարիքի, քաղաքացիության, ծագման, ծննդավայրի, բնակության վայրի, գույքային կամ խավային պատկանելության, կրոնի եւ դավանանքի, սոցիալական պատկանելության, մասնագիտության, ընտանեկան վիճակի, առողջական վիճակի, սեռական կողմնորոշման, գենդերային նույնականացման եւ քաղաքական հայացքների ներկայացման համար, որոնք էականորեն խախտում են մարդու իրավունքները: Վերոնշյալ իրավախախտումների

համար սահմանված է տուգանք կամ ուղղիչ աշխատանք՝ մեկ տարի ժամկետով կամ՝ երկու տարով ազատազրկում:

Բացի այդ, Վրաստանի քրեական օրենսգրքում կիրարկված է ռասայական խտրականություն հասկացությունը, որն ուղղված է ազգային կամ ռասայական թշնամություն սերմանելու, ազգային արժանապատվության նսեմացման, ինչպես նաեւ ռասայի, մաշկի գույնի, ազգային պատկանելության համար մարդու իրավունքների անմիջական կամ կողմնակի խախտման դեմ: Այդ իրավախախտումը պատժվում է մինչեւ երեք տարվա ազատազրկմամբ, իսկ ծանրացնող հանգամանքների դեպքում՝ պատժամիջոցը տատանվում է 2-ից 7 տարի:



ՆԱԽԱԳԱՅԻ ԱՄԵՆԱՄՅԱ ԶԵԿՈՒՅՑԸ ԿՆԵՐԿԱՅԱՑՎԻ ՄԱՐՏԻ 14-ԻՆ

Վրաստանի նախագահ Սալոմե Ջուրաբիշվիլին, մարտի 14-ին, ելույթ կուճենա խորհրդարանում՝ իր տարեկան զեկույցով: Նախագահի աշխատակազմի եւ խորհրդարանի ղեկավարության միջեւ այս հարցում արդեն պայմանավորվածություն է ձեռք բերվել:

ԿԱԽԱ ԿԱԼԱՁԵՆ՝ ՏԵՂԱԿԱՆ ԻՆՔՆԱԿԱՌԱՎԱՐՄԱՆ ԱԶԳԱՅԻՆ ԱՍՈՑԻԱՑԻԱՅԻ ՆԱԽԱԳԱՀ

Մարտի 9-ին, Վրաստանի տեղական ինքնակառավարման ներկայացուցիչների յոթերորդ ազգային վեժածողվում, ասոցիացիայի նախագահ է ընտրվել Թբիլիսիի քաղաքապետ Կախա Կալաձեն:



Միջոցառմանը մասնակցել են Վրաստանի կենտրոնական եւ տեղական իշխանության, ինչպես նաեւ միջազգային կազմակերպությունների ներկայացուցիչներ:

Ընդդիմադիր կուսակցությունների ներկայացուցիչների մի մասը, ի նշան բողոքի, լքել է համագումարը:

ԱՐԴԵՆ ՆԵՐԿՐԿԵԼ Է 30 ԱՆՈՒՆ ԴԵՂԱՄԻՋՈՑ

Թուրքիայի դեղագործական շուկայից արդեն Վրաստան է ներկրվել 30 անուն դեղամիջոց:

Առաջին փուլում ներկրվում են հիմնականում քրոնիկ հիվանդությունների համար նախատեսված դեղամիջոցներ, եւ այդ դեղերի գները գրեթե կիսով չափ նվազել են:

Հատկանշական է, որ այս դեղերն արդեն վաճառվում են մի քանի առցանց դեղատներում:

Վրաստանի առողջապահության նախարարության տվյալներով՝ դեղերի ցանկն է՝ ավելի կընդլայնվի:

Հիշեցնենք, որ Վրաստանի վարչապետ Իրակլի Դարիբաշվիլին, 2022 թվականի հունվարի 17-ին, հայտարարել էր, որ բացվել է թուրքական շուկան, որտեղից Վրաստան պետք է ներկրվեն որակյալ, բայց էժան դեղամիջոցներ: Դարիբաշվիլին նաեւ նշել էր, որ այս որոշումը շատ արագ կնվազեցնի դեղերի գինը Վրաստանում:

ՈԼՈՐՏ

ԱՎԵԼԱՅՎՈՒՄ Է ՖԵՐՄԵՐՆԵՐԻՆ ՏՐՎՈՂ ԳՅՈՒՂՏԵԽՆԻԿԱՅԻ ԳՆԱՆ ՕԳՆՈՒԹՅԱՆ ԳՈՒՄԱՐԸ

Վրաստանի կառավարությունը որոշում է ընդունել ավելացնել ֆերմերներին ցուցաբերվող օգնությունը՝ տարվա ընթացքում գյուղատնտեսական տեխնիկայի գնման հարցում:

Ինչպես նշեց Վրաստանի բնապահպանության եւ գյուղատնտեսության նախարար Օթար Շամուգիան՝ գյուղտեխնիկայի գնման ծրագիրը գործում է 2019 թվականից եւ նախատեսում է տեխնիկայի գնում պետության համաֆինանսավորմամբ:

- Կառավարության որոշմամբ, պետության համաֆինանսավորմամբ, հնարավոր կլինի գնել բերքահավաքի նոր կամ օգտագործած տեխնիկա,- հայտարարեց նախարարը եւ հավելեց, որ օգտագործած կոմբայներ հնարավոր կլինի գնել մինչեւ ընթացիկ տարվա մայիսի 31-ը, ընդ որում՝ այդ գործարքում պետության համաֆինանսավորումը կկազմի 60 տոկոս, սակայն՝ 120 հազար լարիից ոչ ավելի գումարով:

Ինչ վերաբերում է մարտի 1-ից մեկնարկած ծրագրին, որը

նախատեսում է նոր գյուղտեխնիկայի գնում, ապա՝ պետության համաֆինանսավորումը կկազմի 30 տոկոս: Կոմբայն գնելու դեպքում՝ այդ գումարը առավելագույնս կկազմի 150 հազար լարի, իսկ մրգի եւ բանջարեղենի բերքահավաքի տեխնիկայի գնման դեպքում՝ համաֆինանսավորումը կկազմի 50 տոկոս՝ 150 հազար լարիից ոչ ավելի: Նախարարի պարզաբանմամբ՝ տվյալ պարագայում գյուղտեխնիկան պետք է թողարկված լինի դրա ձեռքբերումից ոչ ավելի քան երկու տարի առաջ եւ ունենա հաջորդ կես տարվա տեխնիկական աշխատանքի երաշխավորագիր:

Նշենք, որ մինչեւ կառավարության վերոնշյալ որոշումը, ֆերմերները պետության համաֆինանսավորմամբ, կարող էին գնել միայն նոր գյուղտեխնիկա:

ՄԻՋԱԶԳԱՅԻՆ ԴԱՏԱՐԱՆ

ՕԳՈՍՏՈՍՅԱՆ ՊԱՏԵՐԱԶՄԻ ԳՈՐԾՈՎ ԶԵՐԲԱԿԱԼՈՒԹՅԱՆ ՕՐԴԵՐՆԵՐ՝ ՌՈՒՄԱՍՏԱՆՑԻ ՊԱՇՏՈՆՅԱՆԵՐԻՆ

Հաազայի տրիբունալի գլխավոր դատախազ Կարին Խանը պահանջում է ձերբակալել Միխայիլ Մինձաեւին, Գամելտ Գուչմազովին եւ Դավիդ Սանակոեւին՝ 2008 թվականին կատարված ռազմական հանցագործությունների համար:

Համաձայն Հաազայի Տրիբունալի գլխավոր դատախազության հրապարակած մամուլի հաղորդագրության՝ 2008 թվականի օգոստոսի 8-ից 27-ն ընկած ժամանակահատվածում այդ անձինք կատարել են հետեւյալ հանցագործությունները՝ ազատությունից ապօրինի զրկում, խոչտանգում, անմարդկային վերաբերմունք, նվաստացնող վերաբերմունք, պա-

տանդ վերցնել եւ տեղափոխել:

Խոսքը վերաբերում է Միխայիլ Մինձաեւին (2005-2008 թվականներին Հաազային Օսեթիայի «ներքին գործերի նախարար»), Գամելտ Գուչմազովին (Հաազային Օսեթիայի «ՆԳՆ» մեկուսարանի պետ), Դավիթ Սանակոեւին (Հաազային Օսեթիայի Մարդու իրավունքների հարցերով «նախագահի» ներկա-

յացուցիչ):

Հետաքննությունը պարզել է նաեւ ՌԴ զինված ուժերի զեներալ-մայոր Վյաչեսլավ Բորիսովի ենթադրյալ դերը, որը միտումնավոր նպաստել է որոշ հանցագործությունների կատարմանը: Բորիսովն այժմ մահացել է:

Միջազգային քրեական դատարանը՝ 2016 թվականի հունվարի 27-ին Վրաստանում 2008 թվականի հակամարտության ընթացքում կատարված հանցագործությունների հետաքննություն է սկսել:

ԷԿՈՆՈՄԻԿԱ

2021 ԹՎԱԿԱՆԻՆ ՎՐԱՍՏԱՆՈՎ ՏԱՐԱՆՑՎԵԼ Է ՌԵԿՈՐԴԱՅԻՆ ԾԱՎԱԼԻ ԲՆԱԿԱՆ ԳԱԶ ՏԱՐԱՆՅԱԾ ԳԱԶԻ 50 ՏՈՎՈՍԸ, ՆՎԱԶԱԳՈՒՅՆ ԳՆՈՎ, ՄՆՈՒՄ Է ՎՐԱՍՏԱՆՈՒՄ

«Բրիթիշ պետրոլիում» ընկերության հրապարակած տեղեկատվության համաձայն՝ Վրաստանով անցնող «Հաազային Կովկասի խողովակաշար» համակարգի առօրյա բեռնումը կազմել է 48,5 միլիոն խորանարդ մետր գազ:

Արդյունքում՝ Վրաստանի տարածքով անց է կացվել 17,7 միլիարդ խորանարդ մետր գազ, ինչը 5,9 տոկոսով գերազանցում է 2020 թվականի ցուցանիշը:

«Հաազային Կովկասի խողովակաշարը» շահագործման հանձնվեց 2006 թվականին, եւ Շահ-Դենիզի բնական գազը մատուցվում է Արթրեջանին, Վրաստանին եւ Թուրքիային: Խողովակաշարի ընդլայնման նախագծի իրականացումից հետո՝ գազի կոմերցիոն մատակարարում սկսվեց Եվրոպայի համար:

Նշենք, որ 2022 թվականին բնական գազի կանխագծված ծավալը մնում է անփոփոխ՝ 2,7 միլիարդ խորանարդ մետր, թեպետ այդ ծավալում ավելի էժան Շահ-Դենիզի գազի բաժինը կավելանա 14 տոկոսով, այսինքն՝ 1,156 միլիարդ խորանարդ մետրով: Վրաստանը ծրագրում է

նաեւ 200 միլիոն խորանարդ մետր գազ գնել Ռուսաստանից: Այս տարվա համար անփոփոխ է մնում Վրաստանում արտահանվող գազի ծավալը՝ 13 միլիոն խորանարդ մետր: Որոշակիորեն նվազեցվում է Սոկարից գնվող գազը՝ 1,504-ից 1,358 միլիարդ խորանարդ մետր:

Նշենք, որ, Վրաստանը Շահ-Դենիզի գազատարով գազի տարանցման համար, նվազագույն գնով ստանում է տարանցած գազի 50 տոկոսը: Այդ մասին պայմանագիրը ուժի մեջ է մինչեւ 2068 թվականը: Նաեւ նվազ գնելով, մինչեւ 2026 թվականը, լրացուցիչ՝ 500 միլիոն խորանարդ մետր բնական գազ մնում է Վրաստանին:

Ավելացնենք, որ «Հյուսիսային Կովկասի խողովակաշարի» ընդհանուր երկարությունը կազմում 970 կիլոմետր, որից 280-ն անցնում է Վրաստանով: Վրաստա-



նը, որպես տարանցիկ երկիր, ստանում է Ռուսաստանից Հայաստան առաքվող գազի 10 տոկոսը:

Շահ-Դենիզի երկրորդ գծի անցկացումից հետո՝ տարանցվող գազի ծավալը 9-ից հասցվեց 16 միլիարդ խորանարդ մետրի: Երրորդ փուլի ավարտից հետո, որը ծրագրվում է 2030 թվականին, Վրաստանով կանցկացվի 258 միլիարդ խորանարդ մետր գազ, որից 4 միլիարդ կնմա Վրաստանում:

ՄԻՄՈՆ ԿԻԼԱԶԵ

Էջը պատրաստեց ՅՈՒՐԻ ԽՈՐԵՆՅԱՆԸ